


十三經註

四二二
419
63



21
63

明 12
號
卷

東

春秋公羊傳

漢

明

何休

閔齊伋裁註

支那錢所
有

僖公

元年春王正月傳公何以不言即位繼弑君子不言即位此非子也其稱子何臣子一例也

僖公者閔公庶兄

春秋公羊傳僖公

卷五

齊師宋師曹師次于聶北救邢傳救邢不言次此其言次何不及事也不及事者何邢已亡矣孰亡之蓋狄滅之曷為不言狄滅之為桓公諱也曷為為桓公諱上無天子下無方伯天下諸侯有相滅亡者桓公不能救則桓公恥之曷為先言次而後言救君也君則其稱師何不與諸侯專封也曷為不與實與而文不與文曷為不與諸侯之義不得專封

也諸侯之義不得專封則其曰實與之何上無天子下無方伯天下諸侯有相滅亡者力能救之則救之可也

君也者据襄二十三年叔孫豹帥師救晉次于雍榆先言救也叔孫豹臣也當先通君命故先言救今此先言次知實諸侯矣不與諸侯專封故沒君文而但舉師

夏六月邢遷于陳儀傳遷者何其意也遷之

者何非其意也

陳左作夷

遷之如宋人遷宿

齊師宋師曹師城邢傳此一事也曷為復言齊師宋師曹師不復言師則無以知其為一事也

秋七月戊辰夫人姜氏薨于夷齊人以歸傳夷者何齊地也齊地則其言齊人以歸何夫人薨于夷則齊人以歸夫人薨于夷則齊人

曷為以歸桓公召而縊殺之

先言薨後言以歸而不言喪者起桓公召夫人於邾婁歸殺之於夷因而內諱恥使若夫人自薨於夷然後齊人以歸者也

楚人伐鄭

八月公會齊侯宋公鄭伯曹伯邾婁人于扈

左穀作釋

九月公敗邾婁師于纓左穀作偃

羊公羊倍公

冬十月壬午公子友帥師敗莒師于犁獲莒
 挈囑莒挈者何莒大夫也莒無大夫此何以
 書大季子之獲也何大乎季子之獲季子治
 內難以正禦外難以正其禦外難以正奈何
 公子慶父弑閔公走而之莒莒人逐之將由
 乎齊齊人不納却反舍于汶水之上使公子
 奚斯人請季子曰公子不可以入入則殺矣
 奚斯不忍反命于慶父自南涘北面而哭慶

父聞之曰嘻此奚斯之聲也諾已曰吾不得
 入矣於是抗輶經而死莒人聞之曰吾已得
 子之賊矣以求賂乎魯魯人不與為是與師
 而伐魯季子待之以偏戰

諾已皆自畢語猶似人云休一生罷去
 已莒人可忿而能結日偏戰是其不加暴
 之義

十有二月丁巳夫人氏之喪至自齊傳夫人

何以不稱姜氏貶曷為貶與弑公也然則曷為不於弑焉貶貶必於重者莫重乎其以喪至也

刑人於市與眾棄之故必於臣子集迎之時貶之所以明誅得其罪

二年春王正月城楚邱傳孰城城衛也曷為不言城衛滅也孰滅之蓋狄滅之曷為不言狄滅之為桓公諱也曷為為桓公諱上無天

子下無方伯天下諸侯有相滅亡者桓公不能救則桓公恥之也然則孰城之桓公城之曷為不言桓公城之不與諸侯專封也曷為不與實與而文不與文曷為不與諸侯之義不得專封諸侯之義不得專封則其曰實與之何上無天子下無方伯天下諸侯有相滅亡者力能救之則救之可也

滅也者言是時衛國已滅故不得言城衛

夏五月辛巳葬我小君哀姜傳哀姜者何莊公之夫人也

虞師晉師滅夏陽傳虞微國也曷為序乎大國之上使虞首惡也曷為使虞首惡虞受賂假滅國者道以取亡焉其受賂奈何獻公朝諸大夫而問焉曰寡人夜者寢而不寐其意也何諸大夫有進對者曰寢不安與其諸侍御有不在側者與獻公不應荀息進曰虞郭

見與獻公揖而進之遂與之人而謀曰吾欲攻郭則虞救之攻虞則郭救之如之何願與子慮之荀息對曰君若用臣之謀則今日取郭而明日取虞爾君何憂焉獻公曰然則奈何荀息曰請以屈產之乘與垂棘之白璧往必可得也則寶出之內藏藏之外府馬出之內廄繫之外廄爾君何喪焉獻公曰諾雖然宮之奇存焉如之何荀息曰宮之奇知則知

矣雖然虞公貪而好寶見寶必不從其言請終以往於是終以往虞公見寶許諾宮之奇果諫記曰唇亡則齒寒虞郭之相救非相為賜則晉今日取郭而明日虞從而亡爾君請勿許也虞公不從其言終假之道以取郭還四年反取虞虞公抱寶牽馬而至荀息見曰臣之謀何如獻公曰子之謀則已行矣寶則吾寶也雖然吾馬之齒亦已長矣蓋戲之也

夏陽者何郭之邑也曷為不繫于郭國之也曷為國之君存焉爾

虞郭見與猶曰虞郭豈見於君之心乎屈產出名馬之地記史記也賜猶惠也以馬齒長戲之喻荀息之年老

秋九月齊侯宋公江人黃人盟于貫澤傳江人黃人者何遠國之辭也遠國至矣則中國曷為獨言齊宋至爾大國言齊宋遠國言江

黃則以其餘為莫敢不至也

江黃附從霸者當進不進方為徧至之辭

冬十月不雨傳何以書記異也

楚人侵鄭

三年春王正月不雨

夏四月不雨傳何以書記異也

徐人取舒傳其言取之何易也

六月雨傳其言六月雨何上雨而不甚也

所以詳錄賢君精誠之應

秋齊侯宋公江人黃人會于陽穀傳此大會也曷為末言爾桓公曰無障谷無貯粟無易樹子無以妾為妻

末者淺耳謂但言會不言盟也桓公功德

隆盛諸侯咸曰無言不從曷為用盟哉故

告誓而已水注川曰溪注溪曰谷

冬公子友如齊蒞盟傳蒞盟者何往盟乎彼

春秋公羊傳僖公

八 宣公

也其言來盟者何來盟于我也

莅臨也春秋王魯故使若王者遣使臨諸

侯盟

楚人伐鄭

四年春王正月公會齊侯宋公陳侯衛侯鄭伯許男曹伯侵蔡蔡潰傳潰者何下叛上也國曰潰邑曰叛

伐楚次于陘傳其言次于陘何有侯也孰

侯侯屈完也

賈許男新臣卒

楚屈完來盟于師盟于召陵傳屈完者何楚大夫也何以不稱使尊屈完也曷為尊屈完以當桓公也其言盟于師盟于召陵何師在召陵也師在召陵則曷為再言盟喜服楚也何言乎喜服楚楚有王者則後服無王者則先叛夷狄也而亟病中國南夷與北狄交中

國不絕若綫桓公救中國而攘夷狄卒怙荆
以此為王者之事也其言來何與桓為主也
前此者有事矣後此者有事矣則曷為獨於
此焉與桓公為主序績也

以當桓公者增倍使若得其君以醇霸德
成王事也曷為再言盟孔子曰書之重辭
之復嗚呼不可不察其中必有美者焉綫
縫帛縷喻微也怙服也廣雅云靜也序次

也績功也累次桓公之功莫大於服楚也
齊人執陳袁濤塗傳濤塗之罪何辟軍之道
也其辟軍之道奈何濤塗謂桓公曰君既服
南夷矣何不還師濱海而東服東夷且歸桓
公曰諾於是還師濱海而東大陷于沛澤之
中顧而執濤塗執者曷為或稱侯或稱人稱
侯而執者伯討也稱人而執者非伯討也此
執有罪何以不得為伯討古者周公東征則

西國怨西征則東國怨桓公假塗于陳而伐楚則陳人不欲其反由已者師不正故也不脩其師而執濤塗古人之討則不然也袁左作轅

草棘曰沛漸洳曰澤

秋及江人黃人伐陳

八月公至自伐楚傳楚已服矣何以致伐楚叛盟也

傳云得意致會不得意致伐

葬許繆公

冬十有一月公孫慈帥師會齊人宋人衛人鄭人許人曹人侵陳

五年春晉侯殺其世子申生傳曷為直稱晉侯以殺殺世子母弟直稱君者甚之也

公子貫於先君唯世子母弟以今君錄親親也今舍國體直稱君知以親親責之

杞伯姬來朝其子傳其言來朝其子何內辭

不火公羊

僖公 十一 齊五其

也與其子俱來朝也

禮外孫初冠有朝外祖之道故使若來朝
一其子以殺直來之恥所以辟教戒之不明
也

夏公孫慈如牟

公及齊侯宋公陳侯衛侯鄭伯許男曹伯會
王世子于首戴傳曷為殊會王世子世子貴
也世子猶世世子也戴左作止

殊別也世世子解貴意也言當世父位不
可以諸侯會之故殊之使若諸侯為世子
所會也

秋八月諸侯盟于首戴傳諸侯何以不序一
事而再見者前日而後凡也

鄭伯逃歸不盟傳其言逃歸不盟者何不可
使盟也不可使盟則其言逃歸何魯子曰蓋
不以寡犯眾也

鄭伯懷二心內欲與楚外依古不盟為解
安居會上不肯從桓公盟故云逃歸所以
抑一人之惡申眾人之善

楚人滅弦弦子奔黃

九月戊申朔日有食之

冬晉人執虞公傳虞已滅矣其言執之何不
與滅也曷為不與滅滅者亡國之善辭也滅
者上下之同力者也

有王者起當存之故為善辭又臣子與君
戮力一心共死之辭也虞公滅人以自亡
當絕

六年春王正月

夏公會齊侯宋公陳侯衛侯曹伯伐鄭圍新
城傳邑不言圍此其言圍何疆也

惡桓公行霸彊而無義非所以附疏

秋楚人圍許諸侯遂救許

春秋公羊

僖公

十三

管五婁

春秋傳

稽古

冬公至自伐鄭

七年春齊人伐鄭

夏小邾婁子來朝

左穀無婁字

鄭殺其大夫申侯傳其稱國以殺何稱國以

殺者君殺大夫之辭也

秋七月公會齊侯宋公陳世子欵鄭世子華

盟于甯母

曹伯般卒

公子友如齊

冬葬曹昭公

八年春王正月公會王人齊侯宋公衛侯許

男曹伯陳世子欵鄭世子華盟于洮傳王人

者何微者也曷為序乎諸侯之上先王命也

穀無鄭世子華

衛王命會諸侯諸侯當北面受之故尊序

於上

春火公羊

僖公

十四

曹子婁

春秋傳

和古禮

鄭伯乞盟傳乞盟者何處其所而請與也其處其所而請與奈何蓋酌之也

酌挹也時鄭伯欲與楚不肯自來盟處其

國遣使挹取其血而請與之約束無汲汲

慕中國之心故抑之使若叩頭乞盟者

夏狄伐晉

秋七月禘于大廟用致夫人傳用者何用者

不宜用也致者何致者不宜致也禘用致夫

人非禮也夫人何以不稱姜氏貶曷為貶譏以妾為妻也其言以妾為妻奈何蓋脅於齊媵女之先至者也

僖公本聘楚女為嫡齊女為媵齊先致其

女脅僖公使用為嫡故從父母辭言致禮

夫人始見廟當特祭而因禘諸公廟見不

敬故譏之

冬十有二月丁未天王崩

魯火公羊傳僖公

十五 晉丁其

九年春王三月丁丑宋公禦說卒傳何以不書葬為襄公諱也

襄公背殯出會故不書葬使若非背殯者

夏公會宰周公齊侯宋子衛侯鄭伯許男曹伯于葵邱傳宰周公者何天子之為政者也秋七月乙酉伯姬卒傳此未適人何以卒許嫁矣婦人許嫁字而笄之死則以成人之喪治之

字者尊而不泄所以遠別也

九月戊辰諸侯盟于葵邱傳桓之盟不日此何以日危之也何危爾貫澤之會桓公有憂中國之心不召而至者江人黃人也葵邱之會桓公震而矜之叛者九國震之者何猶曰振振然矜之者何猶曰莫若我也

甲戌晉侯詭諸卒
冬晉里克弑其君之子奚齊傳此未踰年之

春秋公羊

僖公

十六

晉五其

春秋傳

和古樓

君其言弒其君之子奚齊何殺未踰年君之號也

十年春王正月公如齊

狄滅溫溫子奔衛

晉里克弒其君卓子及其大夫荀息傳及者何累也弒君多矣舍此無累者乎曰有孔父仇牧皆累也舍孔父仇牧無累者乎曰有有則此何以書賢也何賢乎荀息荀息可謂不

食其言矣其不食其言奈何奚齊卓子者驪姬之子也荀息傳焉驪姬者國色也獻公愛之甚欲立其子於是殺世子申生申生者里克傅之獻公病將死謂荀息曰士何如則可謂之信矣荀息對曰使死者反生生者不愧乎其言則可謂信矣獻公死奚齊立里克謂荀息曰君殺正而立不正廢長而立幼如之何願與子慮之荀息曰君嘗訊臣矣臣對曰

春秋傳 僖公

十七 晉古樓

春秋傳

稽古

使死者反生者不愧乎其言則可謂信矣
里克知其不可與謀退弑奚齊荀息立卓子
里克弑卓子荀息死之荀息可謂不食其言
矣

不食言者不如食受之而消亡之以奚齊

卓子皆立

夏齊侯許男伐北戎

晉殺其大夫里克傳里克弑二君則曷為不

以討賊之辭言之惠公之大夫也然則孰立
惠公里克也里克弑奚齊卓子逆惠公而入
里克立惠公則惠公曷為殺之惠公曰爾既
殺夫二孺子矣又將圖寡人為爾君者不亦
病乎於是殺之然則曷為不言惠公之入晉
之不言出入者踊為文公諱也齊小白入於
齊則曷為不為桓公諱桓公之享國也長美
見乎天下故不為之諱本惡也文公之享國

春秋公羊

僖公

十六

僖公

也短美未見乎天下故爲之諱本惡也

春秋傳

禮記

躡豫也齊人語若關西言渾矣獻公殺申生文公惠公恐見及出奔不子當絕還入爲篡文公功足以并掩前人之惡故惠公入懷公出文公入渾皆不書悉爲文公諱故也

秋七月

冬大雨雹傳何以書記異也

十有一年春晉殺其大夫不鄭父

左無父字

夏公及夫人姜氏會齊侯于陽穀

秋八月大雩

冬楚人伐黃

十有二年春王三月庚午日有食之

夏楚人滅黃

秋七月

冬十有二月丁丑陳侯處臼卒

春秋公羊傳僖公

十九 晉書

春秋傳

和古樓

十有三年春狄侵衛

夏四月葬陳宣公

公會齊侯宋公陳侯衛侯鄭伯許男曹伯于

鹹

秋九月大雩

冬公子友如齊

十有四年春諸侯城緣陵傳孰城之城杞也
為城杞滅也孰滅之蓋徐莒魯之曷為不

徐莒魯之為桓公諱也曷為為桓公諱上
無天子下無方伯天下諸侯有相滅亡者桓
公不能救則桓公恥之也然則孰城之桓公
城之曷為不言桓公城之不與諸侯專封也
曷為不與實與而文不與文曷為不與諸侯
之義不得專封也諸侯之義不得專封則其
曰實與之何上無天子下無方伯天下諸侯
有相滅亡者力能救之則救之可也

羊人公羊傳

僖公

春秋左傳

卷之四

夏六月季姬及鄆子遇于防使鄆子來朝傳鄆子曷為使乎季姬來朝內辭也非使來朝使來請已也

范氏云魯女無故遠會諸侯遂得淫通此亦事之不然左傳曰鄆季姬來寧公怒之以鄆子不朝遇于防而使來朝此近合人情何氏以為鄆魯相近信使泆通男女之情風流應合末世無禮容或有之若姜氏

如莒之流寧可然問也

秋八月辛卯沙鹿崩傳沙鹿者何河上之邑也此邑也其言崩何襲邑也沙鹿崩何以書記異也外異不書此何以書為天下記異也襲者默陷入於地中也河岸有高下如山有地矣故得言崩

狄侵鄭

冬蔡侯肸卒

春秋左傳

僖公

三

晉子嬰

春秋傳

十有五年春王正月公如齊

楚人伐徐

三月公會齊侯宋公陳侯衛侯鄭伯許男曹伯盟于牡邱遂次于匡

公孫敖率師及諸侯之大夫救徐

夏五月日有食之

秋七月齊師曹師伐厲

八月蠲

和古杜

九月公至自會會桓公之會不致此何以致久也

季姬歸于郕

己卯晦震夷伯之廟晦者何冥也震之者何雷電擊夷伯之廟者也夷伯者曷為者也季氏之孚也季氏之孚則微者其稱夷伯何天之也曷為大之天戒之故大之也何以書記異也

春秋公羊傳僖公

五

言不度

孚信也季氏所信任臣

冬宋人伐曹

楚人敗徐于婁林

十有一月壬戌晉侯及秦伯戰于韓獲晉侯
傳此偏戰也何以不言師敗績君獲不言師
敗績也

十有六年春王正月戊申朔實石于宋五
是月六鷁退飛過宋都傳曷為先言實而後言

石實石記聞聞其碩然視之則石察之則五
是月者何僅逮是月也何以不曰晦日也晦
則何以不言晦春秋不書晦也朔有事則書
晦雖有事不書曷為先言六而後言鷁六鷁
退飛記見也視之則六察之則鷁徐而察之
則退飛五石六鷁何以書記異也外異不書
此何以書為王者之後記異也

是月是月邊也魯人語晦雖有事不書者

春秋公羊傳

僖公

三

實石婁

重始而終自正也

三月壬申公子季友卒傳其稱季友何賢也

夏四月丙申鄆季姬卒

秋七月甲子公孫慈卒

冬十有二月公會齊侯宋公陳侯衛侯鄭伯

許男邢侯曹伯于淮

十有七年春齊人徐人伐英氏

夏滅項傳孰滅之齊滅之曷為不言齊滅之

為桓公諱也春秋為賢者諱此滅人之國何

賢爾君子之惡惡也疾始善善也樂終桓公

嘗有繼絕存亡之功故君子為之諱也

疾始者絕其始則不得終其惡樂終樂賢

者終其行

秋夫人姜氏會齊侯于卞

九月公至自會

十有二月乙亥齊侯小白卒

齊火公羊

傳公

三十四

管子書

春秋傳

釋古

十有八年春王正月宋公會曹伯衛人邾婁人伐齊

夏師救齊

五月戊寅宋師及齊師戰于齑齊師敗績
戰不言伐此其言伐何宋公與伐而不與戰
故言伐春秋伐者為客伐者為主曷為不使
齊主之與襄公之征齊也曷為與襄公之征
齊桓公死豎刁易牙爭權不葬為是故伐之

也

狄救齊

秋八月丁亥葬齊桓公

冬邢人狄人伐衛

十有九年春王三月宋人執滕子嬰齊

夏六月宋人曹人邾婁人盟于曹南鄆子會

盟于邾婁傳其言會盟何後會也

己酉邾婁人執鄆子用之傳惡乎用之用之

齊火公羊

僖公

三五

齊一

春秋傳

稽古樹

社也其用之社奈何蓋叩其鼻以血社也

魯本許嫁季姬於邾婁季姬淫泆使鄆子請已而許之二國交忿襄公爲此盟欲和解之既在會間反爲邾婁所欺執用鄆子恥辱加於宋矣

秋宋人圍曹

衛人伐邢

冬公會陳人蔡人楚人鄭人盟于齊

梁亡傷此未有伐者其言梁亡何自亡也其自亡奈何魚爛而亡也

梁君隆刑峻法一家犯罪四家坐之一國之中無不被刑者百姓一旦相率俱去狀若魚爛魚爛從內發故云

二十年春新作南門傳何以書譏何譏爾門有古常也

惡奢泰不奉古制常法

春秋公羊

僖公

三六

嘗五婁

夏郟子來朝傳郟子者何失地之君也何以不名兄弟辭也

五月乙巳西宮災傳西宮者何小寢也小寢則曷為謂之西宮有西宮則有東宮矣魯子曰以有西宮亦知諸侯之有三宮也西宮災何以書記異也

西宮右勝所居

鄭人入滑

秋齊人狄人盟于邢

冬楚人伐隨

二十有一年春秋侵衛

宋人齊人楚人盟于鹿上

夏大旱傳何以書記災也

秋宋公楚子陳侯蔡侯鄭伯許男曹伯會于

霍執宋公以伐宋傳孰執之楚子執之曷為

不言楚子執之不與夷狄之執中國也霍左作孟

春秋公羊傳僖公

三

管古婁

穀作

冬公伐邾婁

楚人使宜申來獻捷傳此楚子也其稱人何
貶曷為貶為執宋公貶曷為為執宋公貶宋
公與楚子期以乘車之會公子目夷諫曰楚
夷國也疆而無義請君以兵車之會往宋公
曰不可吾與之約以乘車之會自我為之自
我墮之曰不可終以乘車之會往楚人果伏

兵車執宋公以伐宋宋公謂公子目夷曰子
歸守國矣國子之國也吾不從子之言以至
乎此公子曰夷復曰君雖不言國國固臣之
國也於是歸設守械而守國楚人謂宋人曰
子不與我國吾將殺子君矣宋人應之曰吾
賴社稷之神靈吾國已有君矣楚人知雖殺
宋公猶不得宋國於是釋宋公宋公釋乎執
走之衛公子目夷復曰國為君守之君曷為

春秋公羊

僖公

三六

齊宣

不入然後逆襄公歸惡乎捷捷乎宋曷為不言捷乎宋為襄公諱也此圍辭也曷為不言其圍為公子曰夷諱也

襄公憂中國故為諱捷曰夷有解圍存國

免主之功故為諱圍

十有二月癸丑公會諸侯盟于薄釋宋公傳執未有言釋之者此其言釋之何公與為爾也公與為爾奈何公與議爾也

善僖公能與楚議釋賢者之厄

二十有二年春公伐邾婁取須胸

夏宋公衛侯許男滕子伐鄭

秋八月丁未及邾婁人戰于升陘

冬十有一月己巳朔宋公及楚人戰于泓宋

師敗績傳偏戰者曰爾此其言朔何春秋辭

繁而不殺者正也何正爾宋公與楚人期戰

于泓之陽楚人濟泓而來有司復曰請迨其

未畢濟而擊之宋公曰不可吾聞之也君子
 不厄人吾雖喪國之餘寡人不忍行也既濟
 未畢陳有司復曰請迨其未畢陳而擊之宋
 公曰不可吾聞之也君子不鼓不成列已陳
 然後襄公鼓之宋師大敗故君子大其不鼓
 不成列臨大事而不忘大禮有君而無臣以
 為雖文王之戰亦不過此也

軍法以鼓戰以金止不鼓猶不戰也君子

不戰未成陣之師也有君而無臣惜其有
 王德而無王佐也

二十有三年春齊侯伐宋圍緡傳邑不言圍
 此其言圍何疾重故也

疾痛也重故喻若重故創矣楚人既敗之
 齊又圍之如舟將沈而又以石墜之也重
 故創也故言圍以起其不仁

夏五月庚寅宋公慈父卒傳何以不書葬盈

魯火公羊傳僖公

平諱也

不稱傳

稽古

盈滿也以功覆惡也本以背殞不書其父
葬至身書葬則嫌霸業不成所覆者薄故
復使身不書葬明當以前諱除背殞以後
諱如待討

秋楚人伐陳

冬十有一月杞子卒

二十有四年春王正月

夏狄伐鄭

秋七月

冬天王出居于鄭傳王者無外此其言出何
不能乎母也魯子曰是王也不能乎母者其
諸此之謂與
不能事母故絕之說出

晉侯夷吾卒

二十有五年春王正月丙午衛侯燬滅邢傳

季火公羊

僖公

三

言五其

春秋傳

稽古樓

衛侯燬何以名絕曷為絕之滅同姓也

夏四月癸酉衛侯燬卒

宋蕩伯姬來逆婦傳宋蕩伯姬者何蕩氏之

母也其言來逆婦何兄弟辭也其稱婦何有

姑之辭也

宋魯之間名結婚姻為兄弟

宋殺其大夫傳何以不名宋三世無大夫三

世內娶也

內娶大夫女也禮不臣妻之父母國內皆

臣無娶道故絕去大夫名正其義也三世

謂慈父王臣處曰

秋楚人圍陳納頓子于頓傳何以不言遂兩

之也

微者不別遂但別兩稱耳

葬衛文公

冬十有二月癸亥公會衛子莒慶盟于洮

春秋公羊傳

三十一 衛子莒

春秋傳

稽古樓

二十有六年春王正月己未公會莒子衛甯
邀盟于向

齊人侵我西鄙公追齊師至鴛弗及傳其言
至鴛弗及何侈也

侈猶大大公能却強齊之兵弗者不之深
者也

夏齊人伐我北鄙衛人伐齊

公子遂如楚乞師傳乞師者何卑辭也曷為

以外內同若辭重師也曷為重師師出不正
反戰不正勝也

成十六年夏晉侯使欒黶來乞師十七年

秋晉侯使荀息來乞師外亦言乞師也外

內皆司卑其辭者深為與人者重之兵凶

器戰危事不得已而用之不正者不正其

自謂出當復反戰當必勝爾

秋楚人滅隗以隗子歸

隗左凱叔
作夔

春秋公羊傳

三十三

信一其

冬楚人伐宋圍緡傳邑不言圍此其言圍何刺道用師也

時以師與魯未至又道用之不仁之甚也

楚自道用故從楚文

公以楚師伐齊取穀公至自伐齊傳此已取穀矣何以致伐未得乎取穀也曷為未得乎取穀曰患之起必自此始也

未得乎者未可謂得意也

二十七年春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋傳此楚子也其稱人何貶曷為貶為執宋公貶故終僖之篇貶也

十有二月甲戌公會諸侯盟于宋

春秋公羊傳

僖公

三

音

二十有八年春晉侯侵曹晉侯伐衛傳曷為再言晉侯非兩之也然則何以不言遂未侵曹也未侵曹則其言侵曹何致其意也其意侵曹則曷為伐衛晉侯將侵曹假塗于衛衛曰不可得則固將伐之也

非兩之也者惡國家不重民命一出兵為兩爭

公子買戍衛不卒戍刺之傳不卒戍者何不

卒戍者內辭也不可使往也不可使往則其言戍衛何遂公意也刺之者何殺之也殺之則曷為謂之刺之內諱殺大夫謂之刺之也使臣子不可使恥深故諱使若往不卒竟事者明臣不當壅塞君命

楚人救衛

三月丙午晉侯入曹執曹伯界宋人傳界者何與也其言界宋人何與使聽之也曹伯之

春秋公羊傳

僖公

三五

晉侯

罪何甚惡也其甚惡奈何不可以一罪言也

與使聽之與使聽其獄也

夏四月己巳晉侯齊師宋師秦師及楚人戰于城濮楚師敗績傳此大戰也曷為使微者子玉得臣也子玉得臣則其稱人何貶曷為貶大夫不敵君也楚殺其大夫得臣衛侯出奔楚

五月癸丑公會晉侯齊侯宋公蔡侯鄭伯衛子莒子盟于踐土陳侯如會傳其言如會何後會也

公朝于王所傳曷為不言公如京師天子在是也天子在是則曷為不言天子在是不與致天子也

六月衛侯鄭自楚復歸于衛衛元咺出奔晉

春秋公羊傳信公

卷之六

陳侯款卒

秋杞伯姬來

公子遂如齊

冬公會晉侯齊侯宋公蔡侯鄭伯陳子莒子

邾婁子秦人于温

天王狩于河陽傳狩不書此何以書不與再

致天子也魯子曰温近而踐土遠也

温近狩地故可言狩踐土遠狩地故不言

狩也

壬申公朝于王所傳其日何錄乎內也

危錄內再失禮將為有義者所庶

晉人執衛侯歸之于京師傳歸之于者何歸

于者何歸之于者罪已定矣歸于者罪未定

也罪未定則何以得為伯討歸之于者執之

于天子之側者也罪定不定已可知矣歸于

者非執之于天子之側者也罪定不定未可

知也衛侯之罪何殺叔武也何以不書為叔武諱也春秋為賢者諱何賢乎叔武讓國也其讓國奈何文公逐衛侯而立叔武叔武辭立而他人立則恐衛侯之不得反也故於是已立然後為踐土之會治反衛侯衛侯得反曰叔武篡我元咺爭之曰叔武無罪終殺叔武元咺走而出此晉侯也其稱人何貶曷為貶衛之禍文公為之也文公為之奈何文公

逐衛侯而立叔武使人兄弟相疑放乎殺母弟者文公為之也

成十五年晉侯執曹伯歸于京師已白天子罪定不定自在天子故言已可知未可知者未得白天子也分別之者但欲明諸侯尊貴不得自相治當斷之於天子爾治反衛侯者叔武訟治於晉文公令白王者反衛侯使還國也春秋許人臣者必使臣

許人子者必使子文公惡衛侯太深愛叔武太甚使兄弟相疑文公本逐之非故致此禍也

衛元咺自晉復歸于衛傳自者何有力焉者也此執其君其言自何為叔武爭也

有力焉者有力於晉也言恃晉有屬己力以歸為叔武爭解文公助之意

諸侯遂圍許

曹伯襄復歸于曹

遂會諸侯圍許

二十有九年春介葛盧來傳介葛盧者何夷狄之君也何以不言朝不能乎朝也

不能升降揖讓

公至自圍許

夏六月公會王人晉人宋人齊人陳人蔡人

秦人盟于狄泉

左穀無公字秋二傳作翟

春火公羊

僖公

春秋傳

和曰本

秋大雨雹

冬介葛盧來

三十年春王正月

夏狄侵齊

秋衛殺其大夫元咺及公子瑕傳衛侯未至其稱國以殺何道殺也

時已得天子命還國於道路遇而殺之坐之與至國同

衛侯鄭歸于衛傳此殺其大夫其言歸何歸惡乎元咺也曷為歸惡乎元咺元咺之事君也君出則已入君入則已出以為不臣也

衛侯歸殺無惡則元咺之惡明矣

晉人秦人圍鄭

介人侵蕭

冬天王使宰周公來聘

公子遂如京師遂如晉傳大夫無遂事此其

春秋公羊

僖公

四十

晉人秦人

春秋傳

言遂何公不得為政爾

稽古

三十有一年春取濟西田傳惡乎取之取之曹也曷為不言取之曹諱取同姓之田也此未有伐曹者則其言取之曹何晉侯執曹伯班其所取侵地于諸侯也晉侯執曹伯班其所取侵地於諸侯則何諱乎取同姓之田久也

本為霸者所還當時不取久後有悔更緣

前語取之不應以得故當坐取邑

公子遂如晉

夏四月四卜郊不從乃免牲猶三望傳曷為或言三卜或言四卜三卜禮也四卜非禮也三卜何以禮四卜何以非禮求吉之道三禘嘗不卜郊何以卜卜郊非禮也卜郊何以非禮魯郊非禮也魯郊何以非禮天子祭天諸侯祭土天子有方望之事無所不通諸侯山

春秋公羊傳

僖公

聖

信古

春不傳
川有不在其封內者則不祭也曷爲或言免
牲或言免牛免牲禮也免牛非禮也免牛何
以非禮傷者曰牛三望者何望祭也然則曷
祭祭大山河海曷爲祭大山河海山川有能
潤于百里者天子秩而祭之觸石而出膚寸
而合不崇朝而徧雨乎天下者唯大山爾河
海潤于千里猶者何通可以已也何以書譏
不郊而望祭也

三卜吉凶必有相奇者可以決疑故求吉
必三卜郊者所以祭天也土謂社也方望
謂郊時所望祭四方羣神日月星辰風伯
雨師五嶽四瀆及餘山川凡三十六所諸
侯所主狹故魯郊非禮也免牲者禮卜郊
不吉則爲牲作元衣纁裳使有司立端放
之於南郊明本爲天不敢留天牲也養牲
不謹敬致災傷天不饗用不得復爲天牲

故以本牛名之免牛非禮者非天牲不當復見免但當內自省責而已秩者隨其大小尊卑高下所宜禮祭天牲角繭栗社稷宗廟角握六宗五嶽四瀆角尺其餘山川視卿大夫天燎地瘞日月星辰布山縣水沈風磔雨升側手為膚案指為寸言其觸石理而出無有膚寸而不合也崇重也

秋七月

冬杞伯姬來求婦傳其言來求婦何兄弟辭也其稱婦何有姑之辭也

狄圍衛

十有二月衛遷于帝邱

三十有二年春王正月

夏四月己丑鄭伯接卒

衛人侵狄

秋衛人及狄盟

春秋公羊 僖公

三 晉古婁

春秋傳

和已本

冬十有一月己卯晉侯重耳卒

三十有三年春王二月秦人入滑

齊侯使國歸父來聘

夏四月辛巳晉侯及姜戎敗秦于殽傳其謂之秦何夷狄之也曷為夷狄之秦伯將襲鄭百里子與蹇叔子諫曰千里而襲人未有不亡者也秦伯怒曰若爾之年者宰上之木拱矣爾曷知師出百里子與蹇叔子送其子而

戒之曰爾即死必於殽之歛嚴是文士之所辟風雨者也吾將尸爾焉子揖師而行百里子與蹇叔子從其子而哭之秦伯怒曰爾曷為哭吾師對曰臣非敢哭君師哭臣之子也弦高者鄭商也遇之殺矯以鄭伯之命而犒師焉或曰往矣或曰反矣然而晉人與姜戎要之殺而擊之匹馬隻輪無反者其言及姜戎何姜戎微也稱人亦微者何言乎姜戎

晉火公羊傳信公

四四

晉子妻

之微先軫也或曰襄公親之襄公親之則其稱人何貶曷為貶君在乎殯而用師危不得葬也詐戰不曰此何以日盡也秦下左穀有師字嶽音欽

避音

宰冢也嶽巖險阻隘勢一人可要百文王過之馳驅若辟風雨襲鄭所當由也揖師揖其父於師中介冑不拜為其拜如蹲或曰軍中語也或以鄭伯已知將見襲必設

備不如還或以既出當遂往矣然然上議猶豫留往之頃也隻蹄也先軫晉大夫也言姜戎微則知稱人者尊矣詐卒也齊人語也卒七忽反

癸巳葬晉文公

狄侵齊

公伐邾婁取叢

秋公子遂率師伐邾婁

春秋公羊傳

僖公 四十五 晉五 莫

春秋傳

稽古

晉人敗狄于箕

冬十月公如齊

十有二月公至自齊

乙巳公薨于小寢

實霜不殺草李梅實傷何以書記異也何異

爾不時也

晉人陳人鄭人伐許

春秋公羊傳僖公終

春秋公羊傳

漢何休學

明閔齊伋裁註

文公

元年春王正月公即位

二月癸亥朔日有食之左穀無朔字

天王使叔服來會葬傳其言來會葬何會葬

禮也

春秋公羊文公

稽古

書天子之厚起諸侯之薄

夏四月丁巳葬我君僖公

天王使毛伯來錫公傳錫者何賜也命者何加我服也

桓是贈死之衣此乃朝祭之服

晉侯伐衛

叔孫得臣如京師

衛人伐晉

秋公孫敖會晉侯于戚

冬十月丁未楚世子商臣弑其君髡左氏作頤

公孫敖如齊

二年春王二月甲子晉侯及秦師戰于彭衙秦師敗績

丁丑作僖公主傳作僖公主者何為僖公作

主也主者曷用虞主用桑練主用栗用栗者藏主也作僖公主何以書譏何譏爾不時也

春秋左傳卷之二十一

晉侯

其不時奈何欲久喪而後不能也

作練主以十三月文公欲喪三十六月十

九月作練主又不能故以十五日也

三月乙巳及晉處父盟傳此晉陽處父也何以不氏諱與大夫盟也

諱去氏者使若得其君然

夏六月公孫敖會宋公陳侯鄭伯晉士穀盟于垂斂

百十有一月不雨至于秋七月傳何以書記異也大旱以災書此亦旱也曷為以異書大旱之日短而云災故以災書此不雨之日長而無災故以異書也

云言也言有災也

八月丁卯大事于大廟躋僖公傳大事者何大禘也大禘者何合祭也其合祭奈何毀廟之主陳于太祖未毀廟之主皆升合食于大

春秋傳

稽古傳

祖五年而再殷祭躋者何升也何言乎升僖公譏何譏爾逆祀也其逆祀奈何先禰而後祖也

殷盛也五年再殷祭謂三年禘五年禘逆祀者文公緣僖公於閔公為庶兄升僖於閔上失先後之義故譏之曰後祖者僖公以臣繼閔公猶子繼父故閔公於文公亦猶祖也

冬音人宋人陳人鄭人伐秦

公子遂如齊納幣傳納幣不書此何以書譏何譏爾譏喪娶也娶在三年之外則何譏乎喪娶三年之內不圖婚吉禘于莊公譏然則曷為不於祭焉譏三年之恩疾矣非虛加之也以人心為皆有之以人心為皆有之則曷為獨於娶焉譏娶者大吉也非常吉也其為言者主於己以為有人心焉者則宜於此焉

春秋公羊文公

四 嘗在婁

變矣

疾痛也非虛加之也者非虛加責之以人心為皆有疾痛不忍娶者爾主於己者主於己身不如祭祀尚有念先人之心也變變慟哭泣也

三年春王正月叔孫得臣會晉人宋人陳人衛人鄭人伐沈沈潰

夏五月王子虎卒傳王子虎者何天子之大

夫也外大夫不卒此何以卒新使乎我也

叔服來會葬在三年中卒君子恩隆於親親則加報之

秦人伐晉

秋楚人圍江

雨蝨于宋傳雨蝨者何死而墜也何以書記異也外異不書此何以書為王者之後記異也

春秋傳

稽古傳

冬公如晉十有二月己巳公及晉侯盟

晉陽處父帥師伐楚救江傳此伐楚也其言

救江何為諉也其為諉奈何伐楚為救江也

左傳楚下有以字諉許元反

諉詐也以為其勢必當引圍江兵還自救

也

四年春公至自晉

夏逆婦姜于齊傳其謂之逆婦姜于齊何略

之也高子曰娶乎大夫者略之也

不書逆者主名不言如齊不稱女賤不可

以奉宗廟故略之

狄侵齊

秋楚人滅江

晉侯伐秦

衛侯使甯俞來聘

冬十有一月壬寅夫人風氏薨

春秋公羊文公

六 稽古傳

春秋傳

稱曰禮

五年春王正月王使榮叔歸舍且賜_傳舍者何口實也其言歸舍且賜何兼之兼之非禮也

口實孝子所以實親口也天子以珠諸侯以玉大夫以碧士以貝文家加飯以稻米二月葬我小君成風_傳成風者何僖公之母也

王使召伯來會葬召穀作毛

夏公孫敖如晉

秦人入郟

秋楚人滅六

冬十月甲申許男業卒

六年春葬許僖公

夏季孫行父如陳

秋季孫行父如晉

八月乙亥晉侯_謹卒謹左毅作驩

春秋傳

七

晉文公

冬十月公子遂如晉葬晉襄公

晉殺其大夫陽處父晉狐射姑出奔狄傳晉殺其大夫陽處父則狐射姑曷為出奔射姑殺也射姑殺則其稱國以殺何君漏言也其漏言奈何君將使射姑將陽處父諫曰射姑民眾不說不可使將於是廢將陽處父出射姑入君謂射姑曰陽處父言曰射姑民眾不說不可使將射姑怒出刺陽處父於朝而走

射音亦殺作夜

漏言殺之當坐君殺

閏月不告月猶朝于廟傳不告月者何不告朔也曷為不告朔天無是月也閏月矣何以謂之天無是月非常月也猶者何通可以已也

禮諸侯受十二月朔政於天子藏於太祖

廟每月朔朝廟使大夫南面奉天子命君

春秋公羊文公

八 晉古

北面而受之閏月所在無常故無政也朝者因視朔政無政而朝故加猶

七年春公伐邾婁

三月甲戌取須朐傳取邑不日此何以日內

辭也使若他人然胸左穀作句

使若公春伐邾婁而去他人自以甲戌日取之爾

遂城郛

夏四月宋公王臣卒王穀作王

宋人殺其大夫傳何以不名宋三世無大夫

三世內娶也

戊子晉人及秦人戰于令狐晉先昧以師奔

秦傳此偏戰也何以不言師敗績敵也此晉

先昧也其稱人何貶曷為貶外也其外奈何

以師外也何以不言出遂在外也昧左穀作蔑

敵言俱無勝負先昧懷持二心有功欲還

春秋公羊文公

九

晉古婁

無功便持師出奔故於戰貶之起其以師外也遂在外者生事成於竟外從竟外去也

狄侵我西鄙

秋八月公會諸侯晉大夫盟于扈傳諸侯何以不序大夫何以不名公失序也公失序奈何諸侯不可使與公盟跌音晉大夫使與公盟也

以日通指曰跌文公內則欲久喪而後不能喪娶逆祀外則貪利取邑為諸侯所薄賤不見序故深諱為不可知之辭

冬徐伐莒

公孫敖如莒莅盟

八年春王正月

夏四月

秋八月戊申天王崩

晉火公羊文公

冬十月壬午公子遂會晉趙盾盟于衡雍

乙酉公子遂會伊雜戎盟于暴

左穀無伊字

公孫敖如京師不至復丙戌奔莒

者何不至復者內辭也不可使往也不可使

往則其言如京師何遂公意也何以不言出

遂在外也

左穀至下有而字

不可使往者安居不肯行故諱使若已行

但不至還爾遂公意者正其義不使君命

壅塞也遂在外者諱使若從外來不敢復

還者也

蠅

宋人殺其大夫司馬宋司城來奔

何司城者何皆官舉也曷為皆官舉宋三世

無大夫三世內娶也

官舉以官名舉言之

九年春毛伯來求金

傳毛伯者何天子之大

十一

稽古樓

夫也何以不稱使當喪未君也踰年矣何以謂之未君即位矣而未稱王也未稱王何以知其即位以諸侯之踰年即位亦知天子之踰年即位也以天子三年然後稱王亦知諸侯於其封內三年稱子也踰年稱公矣則曷為於其封內三年稱子緣民臣之心不可一日無君緣終始之義一年不二君不可曠年無君緣孝子之心則三年不忍當也毛伯來

春秋傳

卷之十

求金何以書譏何譏爾王者無求求金非禮也然則是王者與曰非也非王者則曷為謂之王者王者無求曰是子也繼文王之體守文王之法度文王之法無求而求故譏之也不忍當者孝子三年志在思慕不忍當父位引文王者文王始受命制法度

夫人姜氏如齊

二月叔孫得臣如京師

春秋公羊文公

十三

賞子樓

辛丑葬襄王傳王者不書葬此何以書不及時書過時書我有往者則書

晉人殺其大夫先都

三月夫人姜氏至自齊

晉人殺其大夫士穀及箕鄭父

楚人伐鄭公子遂會晉人宋人衛人許人救

鄭

夏狄侵齊

秋八月曹伯襄卒

九月癸酉地震傳地震者何動地也何以書記異也

先言動者喻若物之動地以曉人

冬楚子使椒來聘傳椒者何楚大夫也楚無

大夫此何以書始有大夫也始有大夫則何

以不氏許夷狄者不一而足也椒穀作菽

許與也足其氏則當純以中國禮貴之嫌

齊火公羊文公

夷狄質薄不可卒備故且以漸卒七忽反秦人來歸僖公成風之謚傳其言僖公成風何兼之兼之非禮也曷為不言及成風成風尊也

不可使卑及尊也母尊序在下者婦人有三從夫死繫子

葬曹共公

十年春王三月辛卯臧孫辰卒

夏秦伐晉

楚殺其大夫宜申

自正月不雨至于秋七月

及蘇子盟于女栗

冬狄侵宋

楚子蔡侯次于屈貉

左穀作厥貉

十有一年春楚子伐圈

圈左穀作麋

夏叔彭生會晉卻缺于承匡

左傳叔下有仲字匡作筐

春火公羊

文公

十四

豈可

春秋傳

秋曹伯來朝

公子遂如宋

狄侵齊

冬十月甲午叔孫得臣敗狄于鹹傳狄者何長狄也兄弟三人一者之齊一者之魯一者之晉其之齊者王子成父殺之其之魯者叔孫得臣殺之則未知其之晉者也其言敗何大之也其日何大之也其地何大之也何以

稽古樓

書記異也

長狄蓋長百尺關中記云秦始皇二十六年有長人十二見於臨洮身長百尺皆夷狄服是時初并六國以為瑞乃收天下兵器鑄作銅人十二象之

十有二年春王正月盛伯來奔傳盛伯者何失地之君也何以不名兄弟辭也杞伯來朝

春秋公羊文公

十五

管子

二月庚子子叔姬卒傳此未適人何以卒許
嫁矣婦人許嫁字而笄之死則以成人之喪
治之其稱子何貴也其貴奈何母弟也

夏楚人圍巢

秋滕子來朝

秦伯使遂來聘傳遂者何秦大夫也秦無大
夫此何以書賢繆公也何賢乎繆公以為能
變也其為能變奈何惟譏譏善諍言俾君子

易怠而況乎我多有之惟一介斷斷焉無他

技其心休休能有容是難也

譏在淺反
諍在井反

譏譏淺薄之貌諍猶撰也能撰善言也我

秦伯自我也言況於我之懷其善言無算

故曰多有之也一介猶一槩也

冬十有二月戊午晉人秦人戰于河曲傳此

偏戰也何以不言師敗績敵也曷為以水地

河曲疏矣河千里而一曲也

春秋公羊

文公

十六

晉古樓

二國之君數興兵相伐戰無已時故不言及不別曲直而地以河曲明兩曲也以水地者謂以水曲折起地遠近所在也

季孫行父帥師城諸及運左穀作鄆後同

十有三年春王正月

夏五月壬午陳侯朔卒

邾婁子蘧僚卒

自正月不雨至秋七月

世室屋壞傳世室者何魯公之廟也周公稱大廟魯公稱世室羣公稱宮此魯公之廟也曷為謂之世室世室猶世室也世世不毀也周公何以稱大廟于魯封魯公以為周公也周公拜乎前魯公拜乎後曰生以養周公死以為周公主然則周公之魯乎曰不之魯也封魯公以為周公主然則周公曷為不之魯欲天下之一乎周也魯祭周公何以為牲周

春秋公羊文公

十七 嘗行其

禾禾傳
公用白牲魯公用騂牝羣公不毛魯祭周公
何以爲盛周公盛魯公燾羣公廩世室屋壞
何以書譏何譏爾久不脩也

利古禮
周公德至重功至大嫌之魯恐天下迴心
趣鄉之故封伯禽命使遙供養死則奔喪
爲主所以一天下之心於周室爾白牲殷
一牲也不敢與文武同也騂牝赤脊周牲也
從周制以脊爲差也不毛不純色所以降

一於尊祖也爲盛之盛黍盛也在器曰盛周

一公盛之盛新穀也燾者冒也故上以新也

周公盛謂新穀滿其器魯公燾謂下故上

新廩者連新於陳上財令半相連耳

冬公如晉衛侯會于沓

左穀會下
有公字

狄侵衛

十有二月己丑公及晉侯盟還自晉鄭伯會
公于斐傳還者何善辭也何善爾往黨衛侯

春秋公羊

文公

十六

晉石渠

春秋傳

稱古樓

會公于沓至得與晉侯盟反黨鄭伯會公于斐故善之也

黨所也所猶時齊人語也文公前扈之盟不序後能救鄭之難不逆王者之求上得尊尊之義下得解患之恩一出三為諸侯所榮故加錄於其還時皆深善之

十有四年春王正月公至自晉

邾婁人伐我南鄙

叔彭生帥師伐邾婁

夏五月乙亥齊侯潘卒

六月公會宋公陳侯衛侯鄭伯許男曹伯晉

趙盾癸酉同盟于新城

秋七月有星孛入于北斗傳孛者何彗星也

其言入于北斗何北斗有中也何以書記異也

中者魁中

春秋公羊文公

十九

魯古樓

公至自會

晉人納接菑于邾婁弗克納傳納者何入辭也其言弗克納何大其弗克納也何大乎其弗克納晉卻缺帥師革車八百乘以納接菑于邾婁力沛若有餘而納之邾婁人言曰接菑晉出也獲且齊出也子以其指則接菑也四獲且也六子以大國壓之則未知齊晉孰有之也貴則皆貴矣雖然獲且也長卻缺曰

非吾力不能納也義實不爾克也引師而去之故君子大其弗克納也此晉卻缺也其稱人何貶曷為貶不與大夫專廢置君也曷為不與實與而文不與文曷為不與大夫之義不得專廢置君也

接左穀作捷獲俱縛反且子餘反

出外孫也指手指四六俱不得天之正性一云接菑猶人之四指獲且猶人之六指言此者喻皆庶子矣

九月甲申公孫敖卒于齊
齊公子商人弑其君舍傳此未踰年之君也
其言弑其君舍何已立之已殺之成死者而
賤生者也

成死者之君號以賤商人之所為

宋子哀來奔傳宋子哀者何無聞焉爾

冬單伯如齊齊人執單伯齊人執子叔姬傳
執者曷為或稱行人或不稱行人稱行人而

執者以其事執也不稱行人而執者以已執
也單伯之罪何道淫也惡乎淫淫于子叔姬
然則曷為不言齊人執單伯及子叔姬內辭
也使若異罪然

以已執者自以大夫之罪執之非為國事
也若異罪然深諱使若各以他事見執然

十有五年春季孫行父如晉

三月宋司馬華孫來盟

春秋公羊

文公

三

卷古婁

夏曹伯來朝

齊人歸公孫敖之喪傳何以不言來內辭也
齊我而歸之筍將而來也

筍者竹篋一名編輿齊魯以此名之日筍

取其尸置編輿中將送也

六月辛丑朔日有食之鼓用牲于社

單伯至自齊

晉卻缺帥師伐蔡戊申入蔡傳入不言伐此

其言伐何至之日也其日何至之日也

秋齊人侵我西鄙

季孫行父如晉

冬十有一月諸侯盟于扈

十有二月齊人來歸子叔姬傳其言來何閔

之也此有罪何閔爾父母之於子雖有罪猶

若其不欲服罪然

齊侯侵我西鄙遂伐曹入其郭傳郭者何恢

春秋公羊文公

三

晉右樓

郭也入郭書乎曰不書入郭不書此何以書動我也動我者何內辭也其實我動焉爾

恢大也齊侵魯魯為子叔姬故動懼失操

云爾鄉者不去幾人我郭故舉入郭以起

魯恥

十有六年春季孫行父會齊侯于陽穀齊侯弗及盟傳其言弗及盟何不見與盟也

為叔姬故中見簡賤不見與盟

夏五月公四不視朔傳公曷為四不視朔公

有疾也何言乎公有疾不視朔自是公無疾

不視朔也然則曷為不言公無疾不視朔有

疾猶可言也無疾不可言也

六月戊辰公子遂及齊侯盟于犀邱

秋八月辛未夫人姜氏薨

毀泉臺傳泉臺者何郎臺也郎臺則曷為謂

之泉臺未成為郎臺既成為泉臺毀泉臺何

以書譏何譏爾築之譏毀之譏先祖為之已
毀之不如勿居而已矣

楚人秦人巴人滅庸

冬十有一月宋人弑其君處曰**傳**弑君者曷
為或稱各氏或不稱各氏大夫弑君稱各氏
賤者窮諸人大夫相殺稱人賤者窮諸盜

降大夫使稱人降士使稱盜者所以別死
刑有輕重也

十有七年春晉人衛人陳人鄭人伐宋

夏四月癸亥葬我小君聖姜**傳**聖姜者何文

公之母也聖左穀作聲

齊侯伐我四鄙

六月癸未公及齊侯盟于穀

諸侯會于扈

秋公至自穀

公子遂如齊

春秋公羊文公

西 魯左傳

稱古樓

十有八年春王二月丁丑公薨于臺下

秦伯營卒

夏五月戊戌齊人弑其君商人

六月癸酉葬我君文公

秋公子遂叔孫得臣如齊

冬十月子卒傳子卒者孰謂謂子赤也何以

不日隱之也何隱爾弑也弑則何以不日不

忍言也

所聞世臣子恩痛王父深厚故不忍言其

日與子般異

夫人姜氏歸于齊

季孫行父如齊

莒弑其君庶其傳稱國以弑何稱國以弑者

眾試君之辭

一人弑君國中人人盡喜故舉國以明失

眾當坐絕也

春秋公羊文公

二五 諸古樓

春秋公羊傳文公終

春秋公羊傳

漢何休學

明閔齊伋裁註

宣公

元年春王正月公即位傳繼弑君不言即位此其言即位何其意也

如其意

公子遂如齊逆女

春秋公羊宣公

宣公

三月遂以夫人婦姜至自齊傳遂何以不稱公子一事而再見者卒名也夫人何以不稱姜氏貶曷為貶譏喪娶也喪娶者公也則曷為貶夫人內無貶於公之道也內無貶於公之道則曷為貶夫人夫人與公一體也其稱婦何有姑之辭也

卒竟也竟但舉名者省文也有姑則當以

婦禮至

夏季孫行父如齊

晉放其大夫胥甲父于衛傳放之者何猶曰無去是云爾然則何言爾近正也此其為近正奈何古者大夫已去三年待放君放之非也大夫待放正也古者臣有大喪則君三年不呼其門已練可以弁冕服金革之事君使之非也臣行之禮也閔子嬰經而服事既而曰若此乎古之道不即人心退而致仕孔子

春秋公羊宣公

二

禮記

蓋善之也

古者疑獄三年而後斷易曰繫用徽纆寘於叢棘三歲不得凶是也自嫌有罪當誅故三年不敢去以待放爾即近也善之善其服事外得君臣之義致仕內不失親親之恩言古者又遜順不訕其君也

公會齊侯于平州

公子遂如齊

六月齊人取濟西田傳外取邑不書此何以書所以賂齊也曷為賂齊為弒子赤之賂也

子赤齊外孫

秋邾婁子來朝

楚子鄭人侵陳遂侵宋

晉趙盾帥師救陳

宋公陳侯衛侯曹伯會晉師于斐林伐鄭傳此晉趙盾之師也曷為不言趙盾之師君不

春秋公羊宣公

三晉古婁

春秋傳

會大夫之辭也

冬晉趙穿帥師侵柳傳柳者何天子之邑也

曷為不繫乎周不與伐天子也

晉人宋人伐鄭

二年春王二月壬子宋華元帥師及鄭公子

歸生帥師戰于大棘宋師敗績獲宋華元

秦師伐晉

夏晉人宋人衛人陳人侵鄭

秋九月乙丑晉趙盾弑其君夷獯左穀作皋

冬十月乙亥天王崩

三年春王正月郊牛之口傷改卜牛牛死乃

不郊猶三望傳其言之何緩也曷為不復卜

養牲養二卜帝牲不吉則扳稷牲而卜之帝

牲在於滌三月於稷者唯具是視郊則曷為

必祭稷王者必以其祖配王者則曷為必以

其祖配自內出者無匹不行自外至者無主

春秋公羊宣公

四

膏古樓

春禾傳
不止

其言之何者據食角不言之也辭閒容之故為緩不若食角急也養牲養二卜者先卜帝牲養之有災更引稷牲卜之以為天牲養之凡當二卜爾不吉有災也滌宮名養帝牲三牢之處也謂之滌者取其蕩滌潔清唯具是視視其身體具無災害而已不特養於滌宮所以降稷尊帝匹合也無

所與會合則不行主主人必得主人乃止者天道闇昧故推人道以接之

葬匡王

楚子伐賁渾戎

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

春秋公羊宣公

五 魯占婁

春秋左傳

葬鄭繆公

繆左穀作穆

四年春王正月公及齊侯平莒及邾莒人不肯公伐莒取向傳此平莒也其言不肯何辭取向也

為公取向作辭也

秦伯稍卒

夏六月乙酉鄭公子歸生弑其君夷

赤狄侵齊

秋公如齊

公至自齊

冬楚子伐鄭

五年春公如齊

夏公至自齊

秋九月齊高固來逆子叔姬

叔孫得臣卒

冬齊高固及子叔姬來傳何言乎高固之來

春秋

公羊宣公

六

齊古婁

春秋傳

和曰

言叔姬之來而不言高固之來則不可子公羊子曰其諸為其雙雙而俱至者與

禮大夫妻歲一歸寧叔姬屬嫁而與高固來如但言叔姬來而不言高固來則魯負教戒重不可言故書高固明失教戒重在固爾雙雙之鳥一身二首尾有雌雄隨便而偶常不離散故以喻焉

楚人伐鄭

六年春晉趙盾衛孫免侵陳傳趙盾弑君此其復見何親弑君者趙穿也親弑君者趙穿則曷為加之趙盾不討賊也何以謂之不討賊晉史書賊曰晉趙盾弑其君夷犇趙盾曰天乎無辜吾不弑君誰謂吾弑君者乎史曰爾為仁為義人弑爾君而復國不討賊此非弑君而何趙盾之復國奈何靈公為無道使諸大夫皆內朝然後處乎臺上引彈而彈之

春秋公羊宣公

七

晉下樓

已趨而辟九是樂而已矣趙盾已朝而出與諸大夫立於朝有人荷畚自閨而出者趙盾曰彼何也夫畚曷爲出乎閨呼之不至曰子大夫也欲視之則就而視之趙盾就而視之則赫然死人也趙盾曰是何也曰膳宰也熊蹯不熟公怒以斗擊而殺之支解將使我棄之趙盾曰嘻趨而入靈公望見趙盾愬而再拜趙盾逡巡北面再拜稽首趨而出靈公心

怍焉欲殺之於是使勇士某者往殺之勇士入其大門則無人門焉者入其閨則無人閨焉者上其堂則無人焉俯而闚其戶方食魚殮勇士曰嘻子誠仁人也吾入子之大門則無人焉入子之閨則無人焉上子之堂則無人焉是子之易也子爲晉國重卿而食魚殮是子之儉也君將使我殺子吾不忍殺子也雖然吾亦不可復見吾君矣遂刎頸而死靈

公聞之怒滋欲殺之甚眾莫可使往者於是
 伏甲於宮中召趙盾而食之趙盾之車右祁
 彌明者國之力士也仇然從乎趙盾而入放
 乎堂下而立趙盾已食靈公謂盾曰吾聞子
 之劍蓋利劍也子以示我吾將觀焉趙盾起
 將進劍祁彌明白下呼之曰盾食飽則出何
 故拔劍於君所趙盾知之躊躇而走靈公有
 周狗謂之葵呼葵而屬之葵亦躊躇而從之

祁彌明逆而竣之絕其頷趙盾顧曰君之葵
 不如臣之葵也然而宮中甲鼓而起有起於
 甲中者抱趙盾而乘之趙盾顧曰吾何以得
 此於子曰子某時所食活我於暴桑下者也
 趙盾曰子名爲誰曰吾君孰爲介子之乘矣
 何問吾名趙盾驅而出眾而畱之者趙穿緣
 民眾不說起弑靈公然後逆趙盾而人與之
 立於朝而立成公黑臀

在洛反殲音孫踣同

春利傳
踰領尸感
反臀音豚

內朝路寢廷也禮公族朝於內朝親親也
已音紀已諸大夫也畚草器若今市所量
穀者齊人謂之鍾宮中之門謂之闈其小
者謂之閨擊猶擊也擊謂旁擊頭項也擊
口弔反懇驚貌禮臣拜然後君答拜靈公
先拜者畚出盾入知其欲諫欲以敬拒之
使不復言也易猶省也佗然壯勇貌踏猶

超遽不暇以次也周狗可以比周之狗所
指如意者屬謂呼而指屬之今呼犬謂之
屬義出於此以足逆躡曰踐領口也暴桑
者蒲蘇桑介甲也猶曰吾君誰為與此甲
兵豈不為盾乎之乘即上車也

夏四月

秋八月蠓

冬十月

春次公羊

宣公

十

稽古樓

七年春衛侯使孫良夫來盟

夏公會齊侯伐萊

秋公至自伐萊

大旱

冬公會晉侯宋公衛侯鄭伯曹伯于黑壤

八年春公至自齊

夏六月公子遂如齊至黃乃復傳其言至黃

乃復何有疾也何言乎有疾乃復譏何譏爾

大夫以君命出聞喪徐行而不反

聞喪尚不當反況於疾乎

辛巳有事于大廟

仲遂卒于垂傳仲遂者何公子遂也何以不

稱公子貶曷為貶為弒子赤貶然則曷為其

不於弒焉貶於文則無罪於子則無年

於文則無罪者解文十八年秋加齊不貶

意也十八年編於文公貶之則嫌有罪於

春秋公羊

宣公

十一

宣公

文公無罪於子赤矣子子赤也

壬午猶繹萬入去籥傳繹者何祭之明日也
萬者何干舞也籥者何籥舞也其言萬人去
籥何去其有聲者廢其無聲者存其心焉爾
存其心焉爾者何知其不可而為之也猶者
何通可以已也

禮大夫死為廢一時之祭有事於廟而聞
之者去樂卒事而聞之者廢繹繹繼昨日

事但不灌地降神爾天子諸侯曰繹大夫
曰賓尸士曰宴尸去事之殺也干謂楯也
能為人扞難而不使害人故聖王貴之以
為武樂萬者其篇名籥所吹以節舞也吹
籥而舞文樂之長廢置也置也者不去也
齊人語知其不可而為之者明其心猶存
於樂知其不可故去其有聲者而為之

戊子夫人熊氏薨熊左作羸

宣公

十三 晉書

晉師白狄伐秦

楚人滅舒蓼穀作鄒

秋七月甲子日有食之既

冬十月己丑葬我小君頃熊雨不克葬庚寅

日中而克葬傳頃熊者何宣公之母也而者

何難也乃者何難也曷為或言而或言乃乃

難乎而也頃左作敬

乃定公十五年乃克葬也言乃者內而深

言而者外而淺下是日昃久故言乃

城平陽

楚師伐陳

九年春王正月公如齊

公至自齊

夏仲孫蔑如京師

齊侯伐萊

秋取根牟傳根牟者何邾婁之邑也曷為不

取

宣公

十三

齊下婁

繫乎邾婁諱亟也

亟疾也屬有小君之喪邾婁子來加禮未期而取其邑故諱不繫邾婁也

八月滕子卒

九月晉侯宋公衛侯鄭伯曹伯會于扈

晉荀林父帥師伐陳

辛酉晉侯黑臀卒于扈傳扈者何晉之邑也

諸侯卒其封內不地此何以地卒于會故地

也未出其地故不言會也

冬十月癸酉衛侯鄭卒

宋人圍滕

楚子伐鄭晉卻缺帥師救鄭

陳殺其大夫泄冶泄左作洩

十年春公如齊公至自齊齊人歸我濟西田

傳齊已取之矣其言我何言我者未絕於我

也曷為未絕於我齊已言取之矣其實未之

齊火公羊宣公

十四 齊石婁

齊也

夏四月丙辰日有食之

己巳齊侯元卒

齊崔氏出奔衛傳崔氏者何齊大夫也其稱

崔氏何貶曷為貶譏世卿世卿非禮也

公如齊

五月公至自齊

癸巳陳夏徵舒弑其君平國

六月宋師伐滕

公孫歸父如齊葬齊惠公

晉人宋人衛人曹人伐鄭

秋天王使王季子來聘傳王季子者何天子

之大夫也其稱王季子何貴也其貴奈何母

弟也

公孫歸父伐邾婁取類

大水

春秋公羊宣公

春秋傳

季孫行父如齊

冬公孫歸父如齊

齊侯使國佐來聘

饑何以書以重書也

楚子伐鄭

十有一年春王正月

夏楚子陳侯鄭伯盟于辰陵

穀作夷陵

公孫歸父會齊人伐莒

秋晉侯會狄于欒函

冬十月楚人殺陳夏徵舒傳此楚子也其稱

人何貶曷為貶不與外討也不與外討者因

其討乎外而不與也雖內討亦不與也曷為

不與實與而文不與文曷為不與諸侯之義

不得專討也諸侯之義不得專討則其曰實

與之何上無天子下無方伯天下諸侯有為

無道者臣弑君子弑父力能討之則討之可

春秋

公羊

宣公

十六

宣公

也
丁亥楚子入陳納公孫甯儀行父于陳傳此皆大夫也其言納何納公黨與也

十有二年春葬陳靈公傳討此賊者非臣子也何以書葬君子辭也楚已討之矣臣子雖欲討之而無所討也

楚子圍鄭

夏六月乙卯晉荀林父帥師及楚子戰于邲

言師敗績傷大夫不敵君此其稱名氏以敵楚子何不與晉而與楚子為禮也曷為不與晉而與楚子為禮也莊王伐鄭勝乎皇門放乎路嚮鄭伯肉袒左執茅旌右執鸞刀以逆莊王曰寡人無良邊垂之臣以干天禍是以使君王沛焉辱到敝邑君如矜此喪人錫之不毛之地使師一二耆老而綏焉請唯君王之命莊王曰君之不令臣交易為言是以使

春秋公羊宣公

十七

晉古書

春秋傳

寡人得見君之玉面而微至于此莊王親自
手旌左右搗軍退舍七里將軍子重諫曰南
郢之與鄭相去數千里諸大夫死者數人廝
殺扈養死者數百人今君勝鄭而不有無乃
失民臣之力乎莊王曰古者杆不穿皮不蠹
則不出於四方是以君子篤於禮而薄於利
要其人而不要其土告從不赦不詳吾以不
詳道民災及吾身何日之有既則晉師之救

春秋傳

鄭者至曰請戰莊王許諾將軍子重諫曰晉
大國也王師淹病矣君請勿許也莊王曰弱
者吾威之彊者吾辟之是以使寡人無以立
乎天下令之還師而逆晉寇莊王鼓之晉師
大敗晉眾之走者舟中之指可掬矣莊王曰
嘻吾兩軍不相好百姓何罪令之還師而佚
晉寇搗音

不與晉而反與楚子為君臣之禮者以惡

春秋傳

宣公

宣公

晉也茅旌祀宗廟所用迎道神指護祭者
 斷曰籍不斷曰旌鸞刀宗廟割切之刀環
 有和鋒有鸞執宗廟器者示以宗廟不血
 食自歸首也良善也無善喻有過言已有
 過於楚邊垂之臣謙不敢斥莊王也交易
 猶往來也言君之不善臣屢往來為惡言
 也微喻小也艾草為防者曰厮汲水漿者
 曰役養馬者曰扈炊烹者曰養杆飲水器

杆穿皮囊乃出四方言古者出四方朝聘
 征伐皆當多少圖有所喪費然後乃行爾
 喻已出征伐士卒死傷固其宜也告從告
 服從也善用心曰詳淹久也可掬言其多
 也

秋七月

冬十有二月戊寅楚子滅蕭

晉人宋人衛人曹人同盟于清邱

春秋

公羊

宣公

十九

晉右襄

春秋傳

宋師伐陳衛人救陳

春秋傳

十有三年春齊師伐衛左穀作莒

夏楚子伐宋

秋蠲

冬晉殺其大夫先穀

十有四年春衛殺其大夫孔達

夏五月壬申曹伯壽卒

晉侯伐鄭

秋九月楚子圍宋

葬曹文公

冬公孫歸父會齊侯于穀

十有五年春公孫歸父會楚子于宋

夏五月宋人及楚人平外平不書此何以

書大其平乎已也何大乎其平乎已莊王圍

宋軍有七日之糧爾盡此不勝將去而歸爾

於是使司馬子反乘堙而闚宋城宋華元亦

春秋公羊宣公

宣公

乘堙而出見之司馬子反曰子之國何如華元曰憊矣曰何如曰易子而食之析骸而炊之司馬子反曰嘻甚矣憊雖然吾聞之也圍者柑馬而秣之使肥者應容是何子之情也華元曰吾聞之君子見人之厄則矜之小人見人之厄則幸之吾見子之君子也是以告情於子也司馬子反曰諾勉之矣吾軍亦有七日之糧爾盡此不勝將去而歸爾揖而去

之反于莊王莊王曰何如司馬子反曰憊矣曰何如曰易子而食之析骸而炊之莊王曰嘻甚矣憊雖然吾今取此然後而歸爾司馬子反曰不可臣已告之矣軍有七日之糧爾莊王怒曰吾使子往視之子曷為告之司馬子反曰以區區之宋猶有不欺人之臣可以楚而無乎是以告之也莊王曰諾舍而止雖然吾猶取此然後歸爾司馬子反曰然則君

請處于此臣請歸爾莊王曰子去我而歸吾孰與處于此吾亦從子而歸爾引師而去之故君子大其平乎已也此皆大夫也其稱人何貶曷為貶平者在下也

已已二大夫也堙距堙土城具秣者以粟置馬口中枘者以木銜其口不欲令食粟示有蓄積舍而止者築舍而止示無去計大者大其有仁恩也

三月癸卯晉師滅赤狄潞氏以潞子嬰兒歸傷潞何以稱子潞子之為善也躬足以亡爾雖然君子不可不記也離于夷狄而未能合于中國晉師伐之中國不救狄人不有是以亡也

躬身也

秦人伐晉

王札子殺召伯毛伯傳王札子何長庶之號

春秋公羊宣公

三 蒼古婁

禾不傳

禾不

也

仲孫蔑會齊高固于牟婁

牟左穀作無

初稅畝傳初者何始也稅畝者何履畝而稅也初稅畝何以書譏何譏爾譏始履畝而稅也何譏乎始履畝而稅古者什一而藉古者曷為什一而藉什一者天下之中正也多乎什一大桀小桀寡乎什一大貉小貉什一者

天下之中正也什一行而頌聲作矣

什一而行明正舊典宣公無恩信於民民不肯盡力公田故履踐案行擇其田畝穀最好者稅取之也

冬蠶生傳未有言蠶生者此其言蠶生何蠶生不書此何以書幸之也幸之者何猶曰受之云爾受之云爾者何上變古易常應是而有天災其諸則宜於此焉變矣蠶與專同

象火公羊宣公

三

皆古婁

蠅即蠓也始生曰蠅大曰蠓災宜避之今而云受之者言宣公於此天災饑後能受過變寤明年復古行中冬大有年其功美過於無災故君子深為喜而僥倖之

饑

十有六年春王正月晉人滅赤狄甲氏及留吁

夏成周宣謝災傳成周者何東周也宣謝者

何宣宮之謝也何言乎成周宣謝災樂器藏

焉爾成周宣謝災何以書記災也外災不書

此何以書新周也

謝左穀作榭
災左作火

室有東西廂曰廟無東西廂有室曰寢無室曰榭樂器宣王中興所作樂器也孔子以春秋當新王上黜杞下新周而故宋因天災中興之樂器示周不復興故繫宣榭於成周使若國文黜而新之從為王者後

春秋傳

記災也

秋鄆伯姬來歸

冬大有年

十有七年春王正月庚子許男錫我卒

丁未蔡侯申卒

夏葬許昭公

葬蔡文公

六月癸卯日有食之

己未公會晉侯衛侯曹伯邾婁子同盟于斷道

秋公至自會

冬十有一月壬午公弟叔肸卒

十有八年春晉侯衛世子臧伐齊

公伐杞

夏四月

秋七月邾婁人戕鄆子于鄆傳戕鄆子于鄆

春秋公羊宣公

三十五 晉王妻

者何殘賊而殺之也

支解節斷之故變殺言戕

甲戌楚子旅卒傳何以不書葬吳楚之君不書葬辟其號也

葬從臣子辭當稱王故絕其號明當誅之

公孫歸父如晉

冬十月壬戌公薨于路寢

歸父還自晉至櫪遂奔齊傳還者何善辭也

何善爾歸父使於晉還自晉至櫪聞君薨家

遣墀帷哭君成踊反命乎介自是走之齊禮

氏作笙

家遣家為魯所逐遣以先人弒君故也事

見成十五年春仲嬰齊卒傳掃地曰墀今

齊俗名之云爾將祖踊故設帷重形成踊

成三日五哭踊之禮反命乎介因介反命

也禮卿出聘以大夫為上介以士為眾介

春秋

公羊宣公

三

魯左傳

春秋傳

四井為邑四邑為邱甲鎧也譏始使邱民

作鎧也

夏臧孫許及晉侯盟于赤棘

秋王師敗績于貿戎傳孰敗之蓋晉敗之或

曰貿戎敗之然則曷為不言晉敗之王者無

敵莫敢當也質左作茅

冬十月

二年春齊侯伐我北鄙

夏四月丙戌衛孫良夫帥師及齊師戰于新

築衛師敗績

六月癸酉季孫行父臧孫許叔孫僑如公孫

嬰齊帥師會晉郤克衛孫良夫曹公子手及

齊侯戰于鞏齊師敗績傳曹無大夫公子手

何以書憂內也手左作首

秋七月齊侯使國佐如師己酉及國佐盟于

春秋公羊

成公

二

稽古樓

袁婁傳君不使乎大夫此其行使乎大夫何
佚獲也其佚獲奈何師還齊侯晉郤克投戟
逡巡再拜稽首馬前逢丑父者頃公之車右
也面目與頃公相似衣服與頃公相似代頃
公當左使頃公取飲頃公操飲而至曰革取
清者頃公用是佚而不反逢丑父曰吾賴社
稷之神靈吾君已免矣郤克曰欺三軍者其
法奈何曰法斲於是斲逢丑父已酉及齊國

佐盟于袁婁曷為不盟于師而盟于袁婁前
此者晉郤克與臧孫許同時而聘于齊蕭同
姪子者齊君之母也踊于楛而闕客則客或
跛或眇於是使跛者迂跛者使眇者迂眇者
大夫出相與踦問而語移日然後相去齊人
皆曰患之起必自此始二大夫歸相與率師
為鞏之戰齊師大敗齊侯使國佐如師郤克
曰與我紀侯之甌反魯衛之侵地使耕者東

畝且以蕭同姪子為質則吾舍子矣國佐曰
 與我紀侯之甌請諾反魯衛之侵地請諾使
 耕者東畝是則土齊也蕭同姪子者齊君之
 母也齊君之母猶晉君之母也不可請戰壹
 戰不勝請再再戰不勝請三三戰不勝則齊
 國盡子之有也何必以蕭同姪子為質揖而
 去之卻克眅魯衛之使使其以辭而為之請
 然後許之逮于袁婁而與之盟袁穀作爰姪
大結反踣居

衛反甌音
彥眅音瞬

佚獲者已獲而逃亡也當絕賤使與大夫
 敵體以起之還繞革更也軍中水泉濁欲
 使遠取清者因亡去爾斲斲也釋器云魚
 曰斲之蕭同國名姪子蕭同君姪弟之子
 踊上也凡無高下有絕加躡板曰楮齊人
 語也迓迎也閭當道門閉一扇開一扇一
 人在外一人在內曰踣閭使耕者東畝使

耕者東西如晉地也蓋晉地谷川宜東畝者多故言此土齊也者言晉悉以齊為土地也跌義見前卻克恥傷其威故使魯衛大夫以國佐辭為國佐請逮及也追及國佐于袁婁也

八月壬午宋公鮑卒

庚寅衛侯遫卒

遫左穀作速

取汶陽田傳汶陽田者何鞏之賂也

冬楚師鄭師侵衛

十有一月公會楚公子嬰齊于蜀

丙申公及楚人秦人宋人陳人衛人鄭人齊人曹人邾婁人薛人鄆人盟于蜀傳此楚公子嬰齊也其稱人何得一貶焉爾

得一貶者獨此一事得具見其惡故貶之爾不然則當沒公也如齊高傒矣

三年春王正月公會晉侯宋公衛侯曹伯伐

齊公羊成公

五

齊古婁

鄭

辛亥葬衛繆公

二月公至自伐鄭

甲子新宮災三日哭傳新宮者何宣公之宮

也宣宮則曷為謂之新宮不忍言也其言三

日哭何廟災三日哭禮也新宮災何以書記

災也

乙亥葬宋文公

夏公如晉

鄭公子去疾率師伐許

公至自晉

秋叔孫僑如率師圍棘傳棘者何汶陽之不

服邑也其言圍之何不聽也

大雩

晉卻克衛孫良夫伐將咎如將左作厲

冬十有一月晉侯使荀庚來聘衛侯使孫良

春火公羊成公

六 晉書

夫來聘丙午及荀庚盟丁未及孫良夫盟傳此聘也其言盟何聘而言盟者尋舊盟也

鄭伐許

四年春宋公使華元來聘

三月壬申鄭伯堅卒

杞伯來朝

夏四月甲寅臧孫許卒

公如晉

葬鄭襄公

秋公至自晉

冬城運

鄭伯伐許

五年春王正月杞叔姬來歸

仲孫蔑如宋

夏叔孫僑如會晉荀秀于穀秀左穀作首

梁山崩傳梁山者何河上之山也梁山崩何

春秋公羊

成公

七

齊古婁

以書記異也何異爾大也何大爾梁山崩壅
河三日不泮外異不書此何以書為天下記

異也泮音

秋大水

冬十有一月己酉天王崩

十有二月己丑公會晉侯齊侯宋公衛侯鄭

伯曹伯邾婁子杞伯同盟于蟲牢

六年春王正月公至自會

二月辛巳立武宮傳武宮者何武公之宮也

立者何立者不宜立也立武宮非禮也

取鄆傳鄆者何邾婁之邑也曷為不繫于邾

婁諱亟也

諱魯背信亟也屬相與為蟲牢之盟旋取

其邑故使若非蟲牢人矣

衛孫良夫率師侵宋

夏六月邾婁子來朝

春秋公羊

成公

八

晉古婁

春秋左傳卷之九 成公九年

公孫嬰齊如晉

壬申鄭伯費卒

秋仲孫蔑叔孫僑如率師侵宋

楚公子嬰齊率師伐鄭

冬季孫行父如晉

晉欒書率師侵鄭侵左穀作救

七年春王正月鼯鼠食郊牛角改卜牛鼯鼠

又食其角乃免牛

吳伐鄭

夏五月曹伯來朝

不郊猶三望

秋楚公子嬰齊率師伐鄭公會晉侯齊侯宋

公衛侯曹伯莒子邾婁子杞伯救鄭八月戊

辰同盟于馬陵公至自會

吳入州來

冬大雩

春秋公羊 成公 九 晉與婁

衛孫林父出奔晉

八年春晉侯使韓穿來言汶陽之田歸之于齊傳來言者何內辭也脅我使我歸之也曷為使我歸之牽之戰齊師大敗齊侯歸弔死視疾七年不飲酒不食肉晉侯聞之曰嘻奈何使人之君七年不飲酒不食肉請皆反其所取侵地

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣傳納幣不書此何以書錄伯姬也

伯姬守節逮火而死賢故詳錄

晉殺其大夫趙盾趙括

秋七月天子使召伯來錫公命傳其稱天子何元年春王正月正也其餘皆通矣

春秋公羊成公

十 信古書

王者文不變也其餘謂不繫於元年者或言王或言天王或言天子皆相通矣

冬十月癸卯杞叔姬卒

晉侯使士燮來聘

叔孫僑如會晉士燮齊人邾婁人伐邾

衛人來媵傳媵不書此何以書錄伯姬也

九年春王正月杞伯來逆叔姬之喪以歸傳

杞伯曷為來逆叔姬之喪以歸內辭也脅而

歸之也

公會晉侯齊侯宋公衛侯鄭伯曹伯莒子杞

伯同盟于蒲

公至自會

二月伯姬歸于宋

夏季孫行父如宋致女傳未有言致女者此

其言致女何錄伯姬也

晉人來媵傳媵不書此何以書錄伯姬也

春秋

公羊

成公

十一 晉古婁

春秋傳

秋七月丙子齊侯無野卒

晉人執鄭伯

晉欒書帥師伐鄭

冬十有一月葬齊頃公

楚公子嬰齊帥師伐莒庚申莒潰

楚人入鄆

秦人白狄伐晉

鄭人圍許

城中城

十年春衛侯之弟黑背率師侵鄭

夏四月五卜郊不從乃不郊傳其言乃不郊

何不免牲故言乃不郊也

不免牲當坐盜天牲失事天之道故諱使

若重難不得郊

五月公會晉侯齊侯宋公衛侯曹伯伐鄭

齊人來媵傳媵不書此何以書錄伯姬也三

春秋公羊成公

三魯左傳

國來勝非禮也曷為皆以錄伯姬之辭言之
婦人以眾多為侈也

侈大也朝廷侈於妬上婦人侈於妬下伯
姬以至賢為三國所爭勝故大其能容

丙午晉侯獯卒

獯乃侯反

秋七月

公如晉

十有一年春王三月公至自晉

晉侯使郤州來聘己丑及郤州盟

州左穀作
隼後皆同

夏季孫行父如晉

秋叔孫僑如如齊

冬十月

十有二年春周公出奔晉傳周公者何天子
之三公也王者無外此其言出何自其私土
而出也

夏公會晉侯衛侯于沙澤

沙左穀作瑣
定七年同

齊大公牛

成公

十三

晉古婁

秋晉人敗狄于交剛

冬十月

十有三年春晉侯使卻錡來乞師

三月公如京師

夏五月公自京師遂會晉侯齊侯宋公衛侯鄭伯曹伯邾婁人滕人伐秦傳其言自京師何公鑿行也公鑿行奈何不敢過天子也

鑿造意也猶更造之意時本欲直伐秦塗

過京師不敢過天子而不朝復主事修朝禮而後行故起時善而褒成其意使若故

朝然後生事也

曹伯廬卒于師

秋七月公至自伐秦

冬葬曹宣公

十有四年春王正月莒子朱卒

夏孫林父自晉歸于衛

春秋公羊

成公

十四

晉古婁

秋叔孫僑如如齊逆女

鄭公子喜率師伐許

九月僑如以夫人婦姜氏至自齊

冬十月庚寅衛侯遫卒

秦伯卒

十有五年春王二月葬衛定公

三月乙巳仲嬰齊卒傳仲嬰齊者何公孫嬰

齊也公孫嬰齊則曷為謂之仲嬰齊為兄後

也為兄後則曷為謂之仲嬰齊為人後者為
 之子也為人後者為其子則其稱仲何孫以
 王父字為氏也然則嬰齊孰後後歸父也歸
 父使于晉而未反何以後之叔仲惠伯傳子
 赤者也文公死子幼公子遂謂叔仲惠伯曰
 君幼如之何願與子慮之叔仲惠伯曰吾子
 相之老夫抱之何幼君之有公子遂知其不
 可與謀退而殺叔仲惠伯弑子赤而立宣公

宣公死成公幼臧宣公者相也君死不哭聚諸大夫而問焉曰昔者叔仲惠伯之事孰為之諸大夫皆雜然曰仲氏也其然乎於是遣歸父之家然後哭君歸父使乎晉還自晉至櫪間君薨家遣墜帷哭君成踊反會于介自是走之齊魯人徐傷歸父之無後也於是使嬰齊後之也

公孫嬰齊仲遂之子公孫歸父之弟為兄

後是更為公孫之子故不得復氏公孫也

臧宣公臧孫許也宣諡也徐者皆共之辭

也關東語

癸丑公會晉侯衛侯鄭伯曹伯宋世子戍齊國佐邾婁人同盟于戚晉侯執曹伯歸之于

京師

公至自會

夏六月宋公固卒

宋公固卒

成公

春秋傳

楚子伐鄭

秋八月庚辰葬宋共公

宋華元出奔晉

宋華元自晉歸于宋

宋殺其大夫山

宋魚石出奔楚

冬十有一月叔孫僑如會晉士燮齊高無咎

宋華元衛孫林父鄭公子鮪邾婁人會吳于

鍾離傳曷為殊會吳外吳也曷為外也春秋

內其國而外諸夏內諸夏而外夷狄王者欲

一乎天下曷為以外內之辭言之言自近者

始也

許遷于葉

十有六年春王正月雨木冰**傳**雨木冰者何

雨而木冰也何以書記異也

木者少陽幼君大臣之象冰者凝陰兵之

春秋公羊

成公

十七

魯左婁

和古本

類也冰脅木者君臣將執於兵之徵也

夏四月辛未滕子卒

鄭公子許率師侵宋

六月丙寅朔日有食之

晉侯使欒黶來乞師

甲午晦**傳**晦者何冥也何以書記異也

晉侯及楚子鄭伯戰于鄢陵楚子鄭師敗績

傳敗者稱師楚何以不稱師王夷也王夷者

何傷乎矢也然則何以不言師敗績末言爾

夷音夷

夷傷也時為飛矢所中末無也無所取於

言師敗績也

楚殺其大夫公子側

秋公會晉侯齊侯衛侯宋華元邾婁人于沙

隨不見公公至自會**傳**不見公者何公不見

見也公又不見見大夫執何以致會不恥也

春秋公羊

成公

十八

信左婁

曷為不恥公幼也

不見見者恚乞師不得欲執之因公幼殺
恥為諱辭爾不書行父執者公不見見已
重矣

公會尹子晉侯齊國佐邾婁人伐鄭

曹伯歸自京師傳執而歸者名曹伯何以不
名而不言復歸于曹何易也其易奈何公子
喜時在內也公子喜時在內則何以易公子

喜時者仁人也內平其國而待之外治諸京
師而免之其言自京師何言甚易也舍是無
難矣

外治諸京師而免之者訟治於京師解免
使來歸也舍是無難矣者舍此所從還無
危難矣

九月晉人執季孫行父舍之于招邱傳執未
有言舍之者此其言舍之何仁之也曰在招

邱悒矣執未有言仁之者此其言仁之何代
 公執也其代公執奈何前此者晉人來乞師
 而不與公會晉侯將執公季孫行父曰此臣
 之罪也於是執季孫行父成公將會厲公會
 不當期將執公季孫行父曰臣有罪執其君
 子有罪執其父此聽失之大者也今此臣之
 罪也舍臣之身而執臣之君吾恐聽失之為
 宗廟羞也於是執季孫行父

招左作若
悒音希

悒悲也仁之者若曰在招邱可悲矣前此
 者謂上欒黶來乞師也鄆陵之戰不見魯
 師則知不與矣公會晉侯會沙隨也成公
 將會厲公謂上伐鄭也聽失之大者言聽
 獄者失之大者矣

冬十月乙亥叔孫僑如出奔齊

十有二月乙丑季孫行父及晉郤州盟于扈
 公至自會

乙酉刺公子偃

十有七年春衛北宮結率師侵鄭

夏公會尹子單子晉侯齊侯宋公衛侯曹伯

邾婁人伐鄭

六月乙酉同盟于柯陵

秋公至自會

齊高無咎出奔莒

九月辛丑用郊傳用者何用者不宜用也九

月非所用郊也然則郊曷用郊用正月上辛
或曰用然後郊

或曰用者先有事存后稷神名也晉人將
有事於河必先有事於惡池齊人將有事
於泰山必先有事於蜚林魯人將有事於
天必先有事於泮宮九月郊尤悖禮故言
用小大盡譏之古禮郊之前日午後陳其
牲物告牲之牲於后稷則知此經宜云九

月用辛丑郊矣

晉侯使荀罃來乞師

冬公會單子晉侯宋公衛侯曹伯齊人邾婁人伐鄭十有一月公至自伐鄭

壬申公孫嬰齊卒于狸軫此非月日也曷為以此月日卒之待君命然後卒大夫曷為待君命然後卒大夫前此者嬰齊走之晉公會晉侯將執公嬰齊為公請公許之反為大

夫歸至于狸軫而卒無君命不敢卒大夫公至曰吾固許之反為大夫然後卒之

十有二月丁巳朔日有食之

邾婁子貜且卒

晉殺其大夫卻錡卻州卻至

楚人滅舒庸

十有八年春王正月晉殺其大夫胥童

庚申晉弑其君州蒲

春秋公羊成公

春秋傳

和古禮

齊殺其大夫國佐

公如晉

夏楚子鄭伯伐宋魚石復入于彭城

公至自晉晉侯使士匄來聘

秋杞伯來朝

八月邾婁子來朝

築鹿囿傳何以書譏何譏爾有囿矣又為也

己丑公薨于路寢

冬楚人鄭人侵宋

晉侯使士彭來乞師

十有二月仲孫蔑會晉侯宋公衛侯邾婁子

齊崔杼同盟于盧村

丁未葬我君成公

春秋公羊

成公

三

晉古禮

